

ONT VĒINA VINGĒ

Ont vēina vingē

♩ = 56

Ont vēina vīn-ge gēid vuolungelē, ont ont onu-je lākštingalē, lē lē ont ont-ruojē

Ont vēina vingē
Gēid vuolungelē,
Ont ontruojē — lakštingalē,
Ont ontruojē.

Ont šiuo tretioujē,
Vēsū mažoujē,
Aug mona jaunuojē mergelē,
Aug mona.

Eesio žvejuotē,
Dievs dous laimietē,
Dievs dous, Dievs dous laimietē
Ont jūriu.

Pardousio žovi,
Pērksio lēižovi,
Kalbinsio sava mergelē,
Kalbinsio.



“MIEGUVA”

Palonguos miesta puolkluora an-
samblis sosēbūrē 1988 metaas. Anuo
vaduovē — BANIULAITYTĒ ZITA.
Ansamblieteē so meilē renk, gaivēn,
puopolerēn Vakarū Lietovuos puol-
kluora. Palonguos ir Kretinguos
apylinkies užrašē daug senjū tuo
krašta dainū, žaidēmu ir šuokiu.
Ansamblis tarptautēnē puolkluora
festivalē “Baltica-93” dalyvis.

Spausdēnam dvē palongēškiu
užrašytas dainēs, katras dainiou
“Mieguvuos” ansamblis.

PRU VĒIŠNELIU SUODELI

Pruo vēišneliu suodeli,
Pruo rūteliu darželi —
Eš tēn atjuojē
Do jauno svetelio.
Ēr išejē tetošelis,
Ēr ožvierē vartelius,
Prašuom pruo šali
Do jauno svetelio.

Nei pajauga dokrelē,
Nei sokruoviem kraiteli,
Nier dabar laika
So jumis kalbietē.
Pruo vēišneliu suodeli,
Pruo rūteliu darželi,
Eš tēn atjuojē
Do jauno svetelio.

Ēr išejē muotošelē,
Ēr atvierē vartelius,
Prašuom, prašuom
Do jauno svetelio.
Jau pajauga dokrelē,
Jau sokruoviau kraiteli,
Yr dabar laika
So jumis kalbietē.
Vai muotošē, muotošelē,
Vai tetoši, tetošeli,
Kaap mes išnešem
Dokrelēs kraiteli?
Imki bruolē kirveli,
Kērski svērna slēnksteli,
Teep mes išnešem
Dokrelēs kraiteli.
Vēstas kriauklu karieta,
Rauduons gaidys orieda,
Vuo tēi tekēnee
Rauduona batvēnē.
Ēr atbiega kvykvē,
Ēr pagruobē tekēnius,
Kaa mes važiuuom,
Smēltelē dolkiejē.

Padainiava A. Daugintaitē, gēmusi
1898 metaas Vaineikiu kaimē. Dabaa
gyven Palonguo. Užrašē R. Užpelkie-
nē ir Z. Baniulaitytē 1988 metaas.

Pruo vēišneliu suodeli

♩ = 56

Pruo vēišneliu suodeli, pruo rūteliu darželi — Eš tēn atjuojē
do jauno svetelio.